

# CIRCULAR INFORMATIVA DE CELEBRACIÓN DOS ACTOS DE CASAMENTOS CIVÍS NAS DEPENDENCIAS MUNICIPAIS

## 1.- LUGAR, DÍA E HORA:

Os casamentos civís no Concello de Vigo celebraranse, sempre e cando estean dispoñibles, nos seguintes lugares, días e horas:

- ⌘ **Edificio municipal r/ Areal, 46:**  
Venres, que non sexan festivos, ás 13.00 e 13.30 horas.
- ⌘ **Pazo-Museo "Quiñones de León" (Avda. Castrelos, s/n):**  
Venres: que non sexan festivos, ás 18,30 e 19,00 horas  
Sábados, que non sexan festivos, ás 12.00, 12.30 e 13.00- 18.30 e 19.00 horas.
- ⌘ **Casa do Concello:**  
De maneira excepcional e por causas debidamente xustificadas ou de necesidade, previa autorización da Alcaldía, poderanse celebrar casamentos civís nas instalacións municipais que se determinen para a ocasión.

**O concello reservase o dereito de dispor para a celebración de recepcións ou outro tipo de actos ineludibles, as anteditas dependencias.**

## 2.- TRÁMITES NECESARIOS:

### *a.- Expediente de matrimonio civil no Rexistro Civil do domicilio dos contraentes:*

No caso de que ambos/as os contraentes estean (no momento da presentación da documentación) empadroados na cidade de Vigo, deberán tramitar o expediente matrimonial obrigatoriamente no Rexistro Civil do Xulgado de 1ª Instancia núm. 4 (rúa Lalín, 4, tfno.: 986817512).

No caso de que un dos contraentes estea empadroado en Vigo e o outro en localidade distinta (no momento da presentación da documentación) poderán optar por iniciar o expediente no Rexistro civil de calquera das dúas localidades.

Unha vez tramitado este expediente, entregárase no Rexistro Xeral do Concello de Vigo; indicárase a data e hora de celebración de matrimonio, e achegarase a seguinte documentación:

- ⌘ *Escrito de datos de contraentes*, que se facilita no Rexistro Civil correspondente.
- ⌘ *Fotocopia do DNI,/NIE en vigor, das dúas testemuñas do casamento*, maiores de idade, que intervirán na celebración do acto.

A citada documentación é preceptiva, debendo ser presentada no concello no período de tempo comprendido entre o momento de presentación da solicitude e o día décimo anterior á data de celebración da voda civil.

*b. Solicitude de data de celebración de matrimonio no Concello de Vigo:*

\* Por internet: no Rexistro electrónico [www.vigo.org](http://www.vigo.org)

\* De xeito presencial: no Rexistro Xeral do Concello

**O prazo para admisión de solicitudes correspondentes ao ano seguinte, abrírase sempre, no mes de xuño do ano anterior.**

**Os trámites a-b poderanse facer simultaneamente**, tendo en conta para solicitar data, que a duración do trámite do expediente de matrimonio no Rexistro Civil é, como mínimo, de tres meses, dependendo do estado civil e nacionalidade dos/das solicitantes.

### 3.- DISPOÑIBILIDADE E CONFIRMACIÓN DATAS

O Departamento de Protocolo informará aos/ás solicitantes telefonicamente da dispoñibilidade de datas no prazo de 10 días, dende a recepción da solicitude. A adxudicación de datas e horas será por orde rigoroso de entrada das solicitudes no Rexistro Xeral do Concello ou Rexistro electrónico.

### 4.- COMPETENCIA PARA CELEBRACIÓN DE VODA CIVIL

As vodas civís serán celebradas polo alcalde-presidente ou concelleiro/a en quen delegue. De todos os xeitos, as/os solicitantes poderán suxerir un/unha concelleiro/a determinado/a, para o que deberán indicar o seu nome no impreso de solicitude.

### 5.- OUTROS SERVIZOS

O Concello de Vigo faise cargo, de forma gratuíta, do acondicionamento da sala onde se celebrará o matrimonio civil, así como de:

-Ambientación musical; A cargo do concello, no caso de preferir unha peza musical concreta entregárase seleccionada e gravada (soporte cd) no Departamento de

Relacións Públicas, unha semana antes da celebración do matrimonio civil; o dito cd devolverase ao remate da cerimonia.

-Ornamentación floral

-Obsequio ás/aos contraentes ao remate da cerimonia.

O concello non se ocupará de reportaxes fotográficas ou filmes.

## 6.- ADVERTENCIAS

**O día da voda, é imprescindible que as/os contraentes estean nas instalacións municipais 5 minutos antes da hora prevista do casamento, co fin de poder iniciar a cerimonia no horario previamente establecido. De non facelo deste xeito, oficiaranse as vodas seguintes, e esta posporase ata rematar todas as vodas previstas na data.**

- Prohíbese o lanzamento de arroz, pétalos ou calquera outro material dentro das salas nas que se celebren as vodas civís; as ditas accións reservaranse para fóra da Casa do Concello ou da porta de acceso ao Pazo-Museo “Quiñones de León”.

- Prohíbese a entrada e estacionamento de vehículos dentro do Xardín Histórico e do Pazo-Museo “Quiñones de León”, declarados Ben de Interese Cultural. Tamén a entrada e estacionamento de vehículos no garaxe da Casa do Concello de Vigo.

- Deberase facer un bo uso do Xardín Histórico; respectaranse escrupulosamente en todo momento os macizos e plantacións existentes.

## 7.- DEPARTAMENTO RESPONSABLE

O Departamento de Protocolo, dependente da Alcaldía, é o responsable do trámite e celebración dos actos de casamentos civís.

Dende este departamento remitirase a acta de matrimonio asinada ao Rexistro Civil de Vigo, para que no prazo das tres semanas seguintes ao día da voda civil, o xulgado facilite o correspondente Libro de Familia ás persoas interesadas

## 8.- INFORMACIÓN

### **Para información inicial:**

Departamento Atención Cidadá

Tfno.: 010, chamadas dende Vigo

986810260, chamadas dende fóra de Vigo ou dende móbil.

Fax: 986810263

Correo electrónico: [010@vigo.org](mailto:010@vigo.org)

páxina web do Concello: [www.vigo.org](http://www.vigo.org)

### **No caso de teren xa solicitada data de celebración de matrimonio:**

Departamento de Protocolo

Tfno: 986810156

Correo electrónico: [ofi.protocolo@vigo.org](mailto:ofi.protocolo@vigo.org)

## **PREGUNTAS COMÚNS**

### **1º. ¿É obrigatorio o uso de aneis na cerimonia?**

*Non. De todos os xeitos, o Alcalde ou o concelleiro/a en quen delegue, ó remate da prestación do consentimento, preguntarlles se traen aneis e, en caso afirmativo, indicarlles que os intercambien.*

### **2º. ¿Pódese celebrar a voda en castelán?**

*Conforme á Ordenanza de Normalización Lingüística do Concello de Vigo, art.1.1., o galego é o idioma oficial do Concello de Vigo; de todos os xeitos, por petición escrita da persoa interesada, poderá celebrarse en castelán.*

### **3º. ¿Ten algún custo a celebración de matrimonio?**

*É gratuíta para ós contraentes, o Concello e quen asume tódolos gastos da cerimonia*

### **4º. ¿Pódese estacionar o vehículo dos contraentes no Xardín Histórico do Pazo-Museo “Quiñones de León”?**

*Non, xa que está declarado Ben de Interese Cultural.*

### **5º. ¿Quen ten a condición de testemuñas presenciais do casamento?**

*Persoas maiores de idade, que teñan relación ou non de consanguinidade cos solicitantes, estranxeiros ou non, homes ou mulleres indistintamente.*

### **6º. Respecto ás testemuñas do casamento, ¿teñen que ser as mesmas testemuñas que acudiron ao Rexistro Civil para o trámite de expediente de matrimonio?**

*Non, depende da decisión dos solicitantes.*